

Кирси Куннас

Нюлэс-песяйлэн мадёсъёсыз
(книгасыз куд-ог выжыкыльёс)

Удмурт кылэ берыктїз Елена Никонорова

Кочолэн ватосэз

Улэм-вылэм мёйы Кочо. Одиг нуналэ со ватос шедьтэм, но нокинлы верамтэ, угось Кочо котьку но куанер улэм. Тодмоосызлэн но, чыжы-выжыосызлэн но азвесь арбериоссы вылийллям, нош Кочо сычё узырлыкез ноку но адзылымтэ. «Тодэ ваён понна» яке «Яратонэлы» кыльёсын чеберъям азвесь пуньиосыз гинэ но солэн вылийллямтэ.

Кочолэн чыжы-выжыосыз, тужгес ик егитъёсыз, котьку паймыса учкылйллям со шоры: кызы портэм чебер арбериостэк но, азвесь пуньиостэк но та дунне вылын сычё шулдыр мылкыдын улыны луэ?! «Мискинь!» – куспазы вераллязы соос Кочо сярысь.

Нош Кочо пумитазы серекъяз но пырсайылйз гинэ – сычё вал ини солэн сямыз, сычё вал сюлэм куронэз: котьку но серекъямез потылйз. Куддыръя со бёрдйлйз, но бёрдэмезлэн но, серекъямезлэн но, шонерзэ вераса, нокычё сычё-тачё йёспортэм мугез ёй вал. Оглом вераса, со огшоры Кочо вал.

Огпол со, эшъёсыз азын ушъясько ай шуыса, возвь вылэ лобиз:

Кочолэн бурдъёсыз кужмоесь,

Кочолэн серекъямез – азвесь,

Кар! Кар! азвесь.

Нош куке со аслэссыз ванез-ёвёлэз пёлъись одиг гинэ азвесь пуньизэ ыштийз, соку но серекъяз гинэ:

Кочолэн синъёсыз сакесь,

Кочолэн куараез – зарни,

Кар! Кар! зарни.

Мылкыдыз тужгес но ёч дыръя эшшо ватсалляз на:

Тёдьы узвесь но альпака¹, кар! кар!

Цинк, корт, кар! Хи-хи-хи!

– Зэм ик, мискинь, – вераллязы мукетъёсыз. – Алыны кулэ сое сычё серекъямезлэс!

¹ Альпака – дүэ семьяясь пудо-живот; солэн гонэз дуноен лыдъяське.

Озы нунал бёрсыы нунал ортчиз. Кочолэн мёйымон дырыз вуиз. Чапак со нуналэ Кочо ватос шедьтйз. Эшшо ке кычё ватос! Жингыртйс но шальтыртйс, паймоно кадь чилясь, ворекъясь. Зэмос гырлы! Дуно арбери! Нош кызыы но кытыссо гырлы караз вуиз – Кочо валатэк ик кылиз.

– Їечбур! – вазиз Кочо, гырлыез каллен кокчалтыса.

– Динь! Динь! – пумитаз вазиз соиз.

– Кытыссо тон татчы вуид? – нош ик гырлы борды йётскыса, юаз тылобурдо.

– Динь! Дон! – шуиз гырлы.

– Кочоос зэм ик чилясь арбериосты ярато, тодйськод-а со сярыс?

Гырлы номыр ёз вазъ. Соку Кочо нош ик гырлыез каллен кокчалтйз, нош соиз пумитаз – Динь! Дон!

– Тон сыйчё толыктэм – мон тыныд уг ик оскиськы кадь. – Кочо синъёссэ ик кырмышъяса гырлыез отий-татй учкылыны ёдъяз.

Соку гырлы ваньмызлы валамон кылын вераз:

– Мынам визьмы пушкам... Динь! Динь!

Гырлылэссе верасъкемзэ кылыса, Кочо сокем куалектйз, сюлмыз ик пыдтышказ вуиз кадь! Ачиэ но, карез но, гырлы но интысыстызы тэтчизы, нош писпу шонаськыны ёдъяз. Верантэм шумпотйз ук соку Кочомы, угось со оскиз, караз жингыртйс кизили усем шуыса. Сюлэмьыз, шудбурен пачылмыса, пилиськыны ик дась вал, оло. Пуромем мылкыдзэ ватыны быгатытэк, тылобурдо возь вылэ лобиз.

Чапак со вакытэ кочоослэн Азвесь клубзы гуждор вылын люкасъкемын вал. Кочоез адзыса, соос одйг ымыссы кадь черектйзы:

– Табере тынад серекъяны дырыд вуиз! Али со понна зэмос мугед вань!

Нош мискинь Кочолэн серемез ёз поты ни. Жожомеменых солэн гадысыстыз сюлмыз ик тэтчыны дась вал. Берен караз лобзыса, Кочо гырлы жингыртйз, нош писпу ёз шонаськы ни. Гырлыез шоры учкиз но шёдйз: со – дунне вылэ огназ кылем пересь тылобуро. Та дырысен Кочо, аслыз ачиэ

паймыса, возвь вылэ серекъяны ветлэмьсь дугдйз но нунал бёрсыы нунал караз пукиз.

– Мискинъ Коҷо! – вераллязы со сярысь мукетъёсыз. Мугез вань дыръя серекъяны но уг вала! Сычё йёнъяськонэз катэн алыны кулэ.

Кёня ке нунал ортчыса, Коҷолэн карысътыз гырлыез ышиз. Кытчы со карисъкиз? – созэ Коҷо нокызыы валаны ёз быгаты.

Соку со возвь вылэ лобиз но азъло сямен ик серекъяны кутскиз:

Коҷолэн бурдъёсыз кужмоесь,

Коҷолэн серекъямез – азвесь,

Кар! Кар! азвесь.

Нош гырлыез ышиз шуыса, со нокинлы ёз вера ни. Мёйы даурзэ Коҷо ачиз ассэ серекъяса ортчытйз, угось табере солэн зэм но мугез вал.

Куд-ог жытъёсы гинэ, инмись кизилиос шоры учкыса, ас понназ малпалляз: «Эх, мон но кизили луысал ке ...»

Коҷолэсъ мылкыдзэ шёдыса кадь писпу но каллен шильыртылйз.

Кузь пель

Улэм-вылэм пияш. Солэн бадзымесь пельёсыз вылйллям. Соослы луыса пияш кыдёкись каллен чузъяськись, мырдэм валамон куараосты гинэ но кылыштыйз.

Нуналлы быдэ пияш вересклэс керттэм выжлётет вылын пукылны яратайз. Шунды пиштэмъя та выжлётет бордысъ вераны луонтэм ческыт зын лёсъяськылайз. Соин валче пияшлэн пельёсыз будайзы но будайзы, озы со тылобурдоослэс инметий любемзэс но кылышы быгатайз. Зор азын пилемъёслэн ог-огзы борды «Ой!» шуыса мырзисъкемзы гинэ но солэн пельёсыз дорозь вуылайз.

Вуиз тулыс. Шуныт пальёсысъ вуэм тылобурдоос асьсэлы кар лэсътыны кутскизы. Нош пияшлэн пельёсыз сокем кузесь луизы – отий-татий уясь пилемъёс ик соос борды чукаллязы. Уно пол солэн пельёсаз портэм пиши тылобурдоос – ваёбыжъёс, кут кутылайсъ тылобурдоос, пислэгъёс – кар лэсътыны йёндыризы. Нош гужем жытьёсъ пурсы юбер, пияшлэн пель юлааз пуксыса, шулдыресъ кырзанъёссэ кырзалляз.

Кытчы гинэ пияш ёз мыны, со котьку но тылобурдоослэс чирдэмзэс но ёильыртэмзэс кылайз. Озы пумен со тылобурдоослэс кылзэс но валаны дышиз. Пияш сак кылзылайз вань мадэсъёсты, кудьёссэ тылобурдо-анайёс асьсэ пиоссылы изён аязы вераллязы. Соослэс ик пияш тодайз, кычэ тодон-валанъёс но быгатонлыкъёс басьто тылобурдопиос карысътызы бадзым югыт дуннене потыкузы.

Аслэсътыз тодон-валанъёссэ пияш гурт калыкезлы но мадылайз.

– Жоғен тол вуз, соку қуанер пияш воксё шузимоз ук ини, – вераллязы адамиос. – Тылобурдоос кельтозы сое, нош пельёссэ толлэн лек кезыйтэз кынтоз.

– Со сярысъ мон түледлы тулыс ик верай ни вал, – тодаз вайиз бускель кышно, – но пияш бурдоослэс кырзамзэс гинэ кылзийске, нош адамиос визъ-кенеш сёто ке, кылымтэ улсы кариське.

Жоғен гужем но ортчиз. Вуиз зоро сїзыл. Күке берпуметйез тылобурдо куз пияш дорысъ кошкиз, со пиши но ёз күшетски – пельёссэ быдэсак биняз. Соос кык бадзымесъ қуалялюльыослы укшаны ёдъязы. Тазы ужамез чик ёз люкеты пияшлы шуныт коркан но улыны. Нош ваньмызлэсъ усто вал тани мар: озыы ик, кызыы қуалялюльыос зарезь тулкымъёслэсъ күжмо қуаразэс пушказы возё, пияшлэн но пельёсаз толбыт чузъяськиз тылообурдоослэн задор чирдэмзы.

Калыкез пияш капчиен шулдыртыны быгатэ вал, соин ик со доры туж кыдёкысъ куноос но вуылйзы. Пияш пельёсаз чузъяськисъ қырзанъёсты қырзалляз, калык шумпотыса қылзийськиз. Пияш но солэн қырзанъёсыз сярысъ ивор кыдёке вёлмиз. Калык, пияшлэн қырзамезлы синмаськиса, тазы вералляз: «Со паймымон чебер қырза, нош қырзанъёсыз устолэсъ но усто!»

Тулыс, күке инвисын нырысетй тылобурдо уллө адзиськиз, пияш адямиослы вазиськиз:

– Али мынэ возь вылэ но қылзийське тылобурдоослэсъ чирдэмзэс. Соос мынэсътым чебергес қырзало. Зэмос усточиос!

Нош троcэз ёз валалэ, малы пияш озыы карыны косйз, йыркуръяськины ёдъязы:

– Кин быгатоз на тылобурдоослэсъ қырзамзэс қылон но валан понна тон кадь пельёссэ будэтыны?!

Пияш соос пумитэ номыр ёз вазы. Со шыптыак вересклэсъ күэм выжлёт вылэ интыяськиз, нош пельёсыз эшшо но кузьгес луизы. Гужембыт тылобурдоос отчы каръяськылйзы.

Хайтула вирнуналэ

Хайтула но бадӟыматон пияла

Улэм-вылэм Хайтула. Со пичилэсь но пичи вылэм. Одйг гинэ сюлмасъконэз вылэм солэн: туж но туж тодэмез потэм – кинлы меда со укша? Соин ик Хайтула Майя суредакись доры мынэм. Майя туж тыршиса суредакалэсь тусбуйзэ – суредэ солы пичи йыгыриос но лэсүтэм. Озы Хайтулалэн йыгыриосыз кылдйллям. Хайтула сокем пичи вылэм, суредакисьлы бадӟыматон пиялаен ик ужаны кулэ луэм – солэн юрттэмениз Майя суред вылаз кибылэсь кёшкемыт тусбуйзэ возьматыны быгатэм.

Со дырысен Хайтула ачиз но, кытчы ке мыныкуз, одно ик бадӟыматон пиялазэ съобраз бастылэм. Я со бадӟыматон пиялаеныз нянь пырыез быдэс колды няньля пёрмытылйз, сое сиыса, кётыз сокем тырылйз – быдэс нянез сииз, кожалод. Я со ву шапыкез пукись вулы кельшитозяз бадӟыматылйз но со вамен уялляз.

Хайтулалэн улонэз азъло кадь ик мынийз, номыриз ик ёз воштийськы кадь, нош бадӟыматон пиялаез солэсъ улон шоры учконзэ чылкак воштийз.

Покчиарня учыръёс

Одйг нуналэ Хайтула мур малпасъконэ но сюлмасъконэ усем, угось шёдтэк шорысь солэн тодаз лыктэм, вирнуналэ со ноку но нокытчы но ёз ветлылы на шуыса.

– Ой! – күшетском Хайтула, – туннэ вирнунал ук, нош та нуналэ мон ноку но нокытчы но ёй поталля на. Вирнуналэз, шуом, туж тупасал кинлы ке но юрттэт сётон нуналлы пёрмытыны. Мыно ай мон Хурпула доры.

Нош зэмзэ вераса, урамын покчиарня вылэм ини. Хайтула ужъёсыз пёлы выйемен нунальёсын кёня ке сурасъкем.

Сокем умой тупаз: нюлэссын Хурпула нимо нылаш улйз. Со сярысь нокин номыр но ёз тодылы. Тодйзы гинэ, Хурпула туж кырзаны яратылйз шуыса. Тужгес но кельшылйз солы писпу вылэ пуксыса кырзалляны. Соин

ик та нылашлэн корка дораз учыртйд ке, соку ик валалод, малы котькуд писпу выжынын тубат сылэ. Нош коркасъ нокинэ ёд шедьты ке, соку ик писпу йылэ учкы. Одно ик кудаз ке писпуын Хурпула пuke но кырзя, луоз.

Но та нуналэ, покчиарняе, Хурпулалэн мылкыдыз жож вал. Котькуд покчиарняе со сыйче вал уго. Тубат гинэ но та нунальёсы я тачыртылйз, я ёзукыртылйз, я шонаськылйз – соин ик Хурпулалэн но мылкыдыз яратоно интыяз тубыны чик бй вал.

Шунды гинэ но покчиарняосы ѡз пиштылы. Та нуналэ котьку сямен Хурпула укно дорын лулзылыса но иворъёсты кылзыса пукылйз. Собере ѡссэ ворсалляз но, йырыз медаз виссы шуыса, чильтэр такъязэ дйсялляз, йыр котыртйз чушкон бинялляз.

Собере Хурпула кык чугун горшокын ву пўзьтылйз но, сийамзэ возьматэк, пёссын ик сое юылйз. Пумтэм трос пёсь ву юыса, йырыз ик виссыны кутскылйз. Соку солы кылем пёсь вуын пыдъёссэ шунтыса возён гинэ юрттыны быгатэ на вал. Таче дыръёсы нылмуртлы тужгес но мёзмыт луылйз.

Хурпулалэн азбараз вуыса, Хайтула кёшкемыт суред адзиз: нылашлэн коркаезлэн укноосыз возъямын, ѡсэз усьтымтэ. Соку со малпаз:

– Аха, Хурпула аслаз корказ пленэ шедем. Кызы мон верай вал ини, вирнунал туж тупа Хурпулаез пленысь мозмытыны но солы эрик сётыны.

Валады, дыр, ини, Хайтула татчыозь покчиарняез вирнунал шуыса малпаса улйз.

Хайтула уж борды басътийське

Хайтула бадзыматон пиялаеных замок пасез бадзыматйз но со пыртй корка пушки мырдэм-мырдэм донгисъкыны быгатйз.

– Бур нуналэн! – капчиен вазиз Хайтула, нош Хурпула нокычэ ик ѡз карисъкы – пыдъёссэ пёсь вуын шунтыса возыкуз со, бёрдэм сяна, номыр ик ѡз карылы.

– Эк-эк-эк, – нукыртыса пукиз Хурпула ас понназ, номыре адзытэк но кылыштэк. Небыт щушконэз син вылаз но, пель вылаз но усем ни. Со сяна, Хайтуалэсъ векчи куаразэ кылыны капчи ик ёвёл.

– Усьты синъёстэ но пельёстэ – мон вуи! – кеськыса вераз Хайтула, собере ватсаз на: Мусое! Мусое!

– Унь-унь-унь! – пумитаз вазиз Хурпула, синъёссэ но пельёссэ усьтыгэк ик. Ваземез кылйз ке но, малпаз, асэнзыз ачиз верасъке шуыса.

– Покчиарняе котыку но мёзмыт, – веранзэ азъланьтиз Хурпула. – Мукетъёсыз та нуналэ кёжыен шыд, табань но узы варення сиё, нош мон вераны ик уг быгатйськы, кычё шёмо луэ кёжы покчиарняе.

– Тынад узы варенняед вань, дыр, озыы-а? – веранзэ азъланьтиз Хайтула. Соку ик узы варення сиемез потыны кутскиз.

– Вань, – вазиз Хурпула, – но покчиарняе мон ноку но каналэсъ усьтонзэ шедьтыны уг быгатйськы.

– Мар со покчарня? – юаз Хайтула, вирнуналэз сяна нокычё мукет нуналэз уг тоды вал бере.

– Покчиарня туж мёзмыт нунал, мынам котыку но соку жож мылкыды. Соку шунды но уг пишты, йыры но чидантэм висе – номыре уг но адзиськы, уг но кылйськы, пыдъёсме пось вуын возыса, сутыны шедьтйсько – соин ик кырзаме но уг поты ни.

– Нош мон со усьтонзэ шедьтй ке? – юаз Хайтула, солэн уго золгес но золгес узы варення сиемез потыны кутскиз. – Мынам бадзыматон пиялае вань, мынэсътым умой утчасъкись-эскерисъкись пёрмысал, дыр.

Соку гинэ Хурпула валаз, со ас понназ уг верасъкы шуыса, солэн ноку но бадзыматон пиялаез ёй вал уга.

Хурпула пыдъёссэ пось вуысъ поттйз, син вылаз васъкем щушконэз басьтйз но, кинэн верасъкемзэ адзыны турттыса, котыр учкылйськиз.

Хайтула но Хурпула тодматско

– Кинэн мон али вераськи? – синъёсыныз котыр утчаськыса, юаз Хурпала.

– Малпасько, монэн, – вазиз Хайтула. Со бадзыматон пиялазэ ас аязмуктйз. Табере Хурпула но сое синйылтйз ини:

– Кин-о тон?

– Мынам нимы Хайтула, мон котькинлэсь но пиши маке, – валэктйз со.

– Мон тонэ уг тодйськы, – шуиз Хурпула.

– Ма тон нокинэ но уд тодйськы.

– Шонер вераськод, – жожомыса вазиз нылмурт, – нокинэ мукетсэ уг тодйськы. Озыен, тон утчаськись-эскериськись?

– Мон со, кычё вань сычё. Кырзаны но йёндырисько.

– Ой, эны! Эн кырза! – кышкатскиз Хурпула. – Мон уг яратйськы мукетъёсызлэсь кырзамзэс кылзыны, соин ик огнам кырзасько, нош покчиарние кырзаны уг яра.

– Малы? – паймиз Хайтула.

– Мон керзегъяськисько, – валэктйз Хурпула но пыдъёсаз кузь чулкаос дйсяз. – Покчиарние тылобурдоослэн кырзамзы гинэ но люкетэ мыным.

Собере со кузь чулкаосыз вылэ вакчиоссэгес дйсяз, вакчиосыз вылэ – эшшо но вакчиоссэгес, соосыз вылэ – азълоосызлэсь но вакчиоссэ, собере – эшшо но вакчиоссэгес, таосыз вылэ копак вакчиоссэ.

– Малы озы кариськод? – юаз Хайтула.

– Малы ке шуоно мынам тапочкиосы сокем бадзымес – трос полэс чулкаостэк соос пыдъёсисьтым ик усё.

Тазы вераса, Хурпула тапочкиоссэ утчаны ёдъяз.

Tapochkiosc

Тапочкиоссэ со кема утчаз: оло со кытынзэс вунэтйз, оло кытысь утчаллямзэ тодаз вайыны ёз быгаты. Соин сэрэн Хурпула сычё интысты но эскериз, кытын тапочкиоссэ ноку но ёз возылы. Сычё вал ини Хурпулалэн

сямыз – ваньзэ утчаса ветлыны. Сяська возён вазаңы со трос ар چоже ини ужасътэм часэз шедьтйз. Хурпула сое улзытыны турттйз.

– Туннэ кадь тыршиш мон ноку но ёй вал на, – шуиз со.

Сакыр возён посудавысь кёня ке сакыр пилет шедьтыса, паймиз, кызыы соос татчы сюриллям шуыса. Сииз соосты. Собере нылаш нянь пыжон гурез эскертийз на – тапочкиос татын вылйллям.

Тапочки пушкын Хайтула пuke ни вылэм, отысен со кеськиз:

– Татын гозылэсь тубат вань. Мар соин каром?

– Отын ик мед кыллёз, – вазиз Хурпула. – Озы ваньмызы умой луоз.

– Татын кофе пуйы но вань. Таиныз мар каромы?

– Валамон ини, отын кофе возём. Күке но яралоз ай.

– Усьтон татын! Со асымелэн утчано усьтонмы ик ёвёл меда? – кеськиз Хайтула.

Соку Хурпула тапочкиосыз пушкысь арбериосты выж вылэ кисьтйз – соосын ёш Хайтула но, усьтон но выж вылэ вуизы.

– Та со каналэн усьтонэз, кытын узы варення кылле! – шумпотийз Хурпула но ваньзэ арбериосты берен тапочкиосы тулляз.

Хурпула паймемын

– Туннэ нокызыы но покчиарня луыны уг быгаты, – паймиз Хурпула. – Мар табере каромы?

– Озы ик вань, – вазиз Хайтула. – Туннэ вирнунал, тынад кыльёсыныд верано ке, вирнунальёсы узы варенняез сиыны луэ. Соглаш-а?

– Зэм ик-а озы малпаськод? Бен кызыы сокем янгышаськем? – паймиз Хурпула но йыркуреныз чугун горшокысь вань пöсө вуэз выж вылэ кисьтйз.

– Ой! – кеськиз Хайтула. – Мон ведь татчы выё!

Хурпула вузэ ёз но утятты – писпу йылэ кырзаны тубиз, нош Хайтула вупукылын быдэс арня чомбылляськыса улйз на. Со вакытэ Хурпула ялан кырзаз но кырзаз, выль покчиарнялэсь вуэмзэ возьмаса. Покчиарняе со гуртаз берытскиз но жож мылкыдын корказ пукиз.

Хурпула но Хайтула ог-огзылы юртто

Куке арня ортчыса Хурпула коркаяз берытскиз, Хайтула солы вазиз:

– Кычё кема кыстйське ини туннэ вирнунал! Быдэс нунал мон каналэсъ усьтонзэ чакласа улй. Табере дыр вуиз та зарезьысь потыны но уж борды басьтйськыны.

Соку Хурпула вунэтйз, покчиарняе со ву юон но пыдъёссэ пось вуын шунтон сяна, номыр ёз карылы ни шуыса. Хайтулалэн сое возьмамезлы но аслаз сычё тыршишь луэмезлы шумпотыса, Хурпула выж вылысь вуэз утялтоно кариськиз.

Хайтула йырысеныз пыдозяз сучырмемын вал бере, Хурпула сое дйсъ куасьтон кал борды тэчыса кельтйз, нош ачиз писпу йылэ кырёзаны но Хайтулалэсъ куасьмемзэ возьманы тубиз.

Озы эшишо одйгез арня ортчиз. Нош покчиарняе Хурпула жож мылкыдын гуртаз берытскиз (та нуналэ солэн котьку но сычё мылкыдыз луылэ вал угось). Хайтула чидатэк кеськиз:

– Сычё кема кыстйське ни туннэ вирнунал! Быдэс нунал мон возьмай, ку узы варення сиё но та дйсъ ошылон калысь эрике пото, малы ке шуоно мон зэмзэ пачкай ини татчы.

Узы варення возён канаез усьтыса, Хурпула шуиз:

– Мон пинал ёвёл ини покчиарняосы тазы куатаськыса-вогъяськыса улыны.

Со Хайтулаез дйсъ ошылон кал бордысъ басьтйз но чулкаоссэ куяны ёдъяз. Нырысь ик со кылиз вакчи чулкаоссэ, собере – кузьёссэгес, эшишо но кузьёссэгес, бератаз ини самой кузьёссэ.

– Ой, туж бадзым тау! – шумпотыса вазиз Хайтула. – Табере мон одиг но паньгес ёвёл ини, ческыт узы варення сии угось. Табере яра ни-а мыным кырёзаны?

– Кырёза!

Хайтула кырёзаны кутскиз:

Улйз-вылйз Хурпула.
Эшъяськиз со ёичыен,
Нош ёичы, нылмуртлэн визезлы синмаськыса,
Лушкаса нуиз сое.
«Мыныс со кулэгес», пе!
Хурпула серектйз:
– Бен, озы, озы.

Вордйськем нуналъёс

Хурпула шуиз: «Туннэ мынам Вордйськем нуналэ, малы ке шуоно туннэ мон аслым эш шедьтй но юрттй солы, табере покчиарняосы мон ноку огнам уг луы ни».

Нош Хайтула ас понназ мынектыса малпаз: со ук Хурпулаез шедьтйз но юрттйз солы. Хайтула вазиз:

– Бен, мынам но туннэ Вордйськем нуналэ. Нош мар тон мыным кузьманы малпаськод?

Хурпула Хайтулалы узы варення но тапочкиоссэ кузьмаз. Табере Хайтулалэн аслаз улон интыез кылдйз – тапочкиос пушкин. Нырысь со паллян тапочкиын улйз, собере – бураз, кёня ке дыр ортчыса – нош палляназ. Палляназ тапочкиын календарь вал, нош отын ваньмыз арня нуналъёс пусьемын. Хайтула соосын тодматскиз но шумпотыса шуиз:

– Табере мон тодйсько: ваньзэ арня нуналъёсты календарьись шедьтыны луэ. Но со номыре уг вошты. Котькуд нуналлы шумпотыны кулэ. Нош туннэ ѫапак тупась нунал нюлэсмылэн мукет палаз интыяськем юртме эскерыны. Кин тодэ, оло, Вордйськем нуналме пусыйны лыктэм қуноос но возьмало ни монэ.

Хайтула но Хурпула ог-огзылы «Зеч лу!» шуыса люкиськизы: Хурпула писпу йылэ Вордйськем нуналлы сїзем кырзанзэ кырзаны тубиз, нош Хайтула, баджыматон пиялаеныз котькуд вамышсэ быдэс милялы укшатыса, шаплы гуртаз вуиз.

Кызыы Курег каре вуылйз

Одйг нуналэ Курег ассэ ачиз кыткиз но, Валэз уробояз пуктыса, каре вырзиз. Уробо вылын вал гырдалляса пукиз: Иго-го! Усто ик барин кадь мыныны!

– Тон мынам кузёе ёвёр, – коткетйз Пузась Курег, – мон тонэ нуисько ке но, тон мынам кузёе ёвёр!

Уробоеz Курег кырзаса нуиз:

Ко-ко-ко! Курег кыткетын

Валэз каре нуэ.

Мыно, мыно, аязы Парсыпи Эгесо быж пумиськиз:

– Бур нуналэн! Кот-котйк! – Курег шутэтсмыны дугдйз.

– Иго-го! – гырдалтийз Вал, кудйзлэн фамилиез но – Вал.

Эгесо быж Парсыпи, пал кыл но вератэк, Курег но Вал шоры жальмаса учкиз. Собере ини дйсъстытэгес вазиз:

– Кылзы ай, Вал уром, кытчы тон Курегез нуиськод?

– Нокытчы ик уг, – вазиз Вал.

– Нош монэ но уробояд пуктод-а? – шуыса, Парсыпи соку ик уробое тубиз.

Куреглэн вожез потйз.

– Мон уробоеz кыскисько, мон ик Валэз но каре нуисько! – кеськиз со.

– Кин тодэ, оло со озыы ик вань, нош мон соку гинэ оско, куке ачим уробое пуксё, – шуиз Парсыпи Эгесо быж.

Курег уробоеz кыскыса нуонъяз йыркурен кырзаз:

Ко-ко-ко! Курег кыткетын

Валэз но Парсыпиэз каре нуэ.

Чапак со дыре вырыйлын Кечтака Кубиста туш пuke вал. Куреглэсь, Валлэсь но Парсыпилэсь каре мынэмзэс адзыса, бёксийз:

– Чырткемесь! Озыы-а ма! Вал каре мынэ. Ёд басьтысалыд-а монэ но съёрад?

Нош Вал гырдалтийз:

- Кыткетын – Курег, нош мон кузё гинэ.
- Кин тодэ, оло со озыы ик вань, нош мон соку гинэ оско, куке ачим уробое пуксё, – шуиз Кечтака Кубиста туш но уробое кечырскиз.

Курег лекъяськыса уробоез кыскыса нуиз но кыржаз:

Ко-ко-ко! Курег кыткетын

Валэз, Парсыпиэз но Кечтакаез каре нуэ.

Таосты адзыса, выж вылын пукись Скал гор-гор серекъяны кутскиз.

Сокем зол гориз – шуре ик усыны шедиз.

- Малы тон гориськод? – юаз Курег.
- Мон тонэ ёй тодысал ке, Вал уром, тон Куреглэн кузёэз шуысал ни – серектїз Амариллис² Скал.

Курег, Валэз, Парсыпиэз но Кечтакаез нуэмись жадыса, кыткетысь мозмытскиз, уробое лобзиз но мёзмыт коткетїз:

– Табере тон ну, Вал уром – со тынад ужед.

Тазы вераса гинэ вуттїз, Курег йырсазыз э ыштыса усиз. Каре вуытозязы, Парсыпи но Кечтака сое сазёмытыны быгатйзы ик.

² Амариллис – сяська.

Күчө Кочыш

Сюрес кузя вамышъякуз, Күчө Кочышлэн пумитаз Шырпи дэмзиз.

Шырпи, валамон ини, та пумиськонлы туж ик шум ёз поты. Нош Кочышлэн мылкыдыз соку ик жүтийсъиз:

– Ой, кычё пумиськон!

Шыпты Шырпи Кочышлэс канавае пегзыны турттэ вал, но ёз пёрмы, угось Кочышлэн соин туж вераськемез потэ вал. Кочыш Шырпилэн бамаз шудыса гинэ чабкиз.

– Кытчы мынйськод, Шыпты Шыр? – юаз со.

Нош Шырпи Кочышез пёяз:

– Нюлэс ты дорын маскарад луоз, отчы мынйсько.

– А-а, маскарадэ. Нош маскарад дйсед кытын-о? – Кочыш Шырпиеz сереме уськытйз.

– Мед со луоз мынам берпуметй серекъяме, но мон али серекъяло, – Шырпи нылонзэ кеськымон ик серекъяны ёдъяз:

– Ха-ха-ха! Пёрмем ик уске мынам маскарад дйськутэ! Ха-ха! Тон ведь монэ утыр ик ёд тодма. Мон пиньёсме зарпоттйс Балян.

Соку ик Шырпи Кочышлэн ымныр вылаз тэтчиз. «Йыр ке йыр, пыд ке пыд. Лу, мар луоз», – малпаз со.

Макем куалектйз но кышказ Кочыш! Пыдьёсыз музьем борды ўйтылытэк быйзыса пегзиз но нырысетиез сюрем писпу йылэ жабырскиз.

Писпу йылын кёня ке дыр чоже пукем бераз, Кочыш аслэсътыз ачиз кепыр потыны кутскиз. Кышканэз палэнэ кошкем бере ини, валаз, Шырпи сое пёяз шуыса – Кочыш нодтэм ёй вал уго. Со жожомиз: сычё пичи Шыпты Шырпи сое алдыны быгатйз. Солы йырыз курен Кочыш кема пукиз на писпу йылын, пунэмзэ берыктон сярысь малпаськыса.

– Кочышлы дан соку, куке со Шырпиеz пёяны амал шедьтоз.

Малпаськыса-малпаськыса, амал сюриз ик. Нош кычё? – али тодом.

Поръякуз Кочыш Лудкечез пумитаз.

– Мар-о сычё нюлышъяськисъкод? – юаз Лудкеч.

– Али гинэ балянэз сии вал. Сием потэм дыръя тонэ но сиё ай.

Лудкеч пыдъёссэ шёдьтэк нюлэски пегжиз. Та иворез солэн мукетъёсызлы јоггес верамез потйз.

Нюлышъяськыса поръянъяз Кочыш Зичыен пумиськиз.

– Мар-о, уроме, нюлышъяськиськод ай? – юаз Зичы.

– Али гинэ балянэз сии. Тонэ но сиё – сием потонэ будэ но будэ уго.

Зичы соку ик – нюлэски, мукетъёсызлы ивортynы.

Собере Кочыш Кионэз пумитаз. Кион та учыр сярысь кылэм ни вылэм – гажамзэ возьматыса кадь, со Кочышлы сюрес сётйз. Нош соиз адзэм но ёз кары. Озы Кочыш быдэс нюлэскин кузё луиз.

Кочышен пумиськыкузы, шырпиос солэсъ верантэм зол кышкаллязы, вазылыны но, серекъяны но ёз дйсътылэ ни. Нош Шыпыйт Шырпилэн верам учырезлы та дырысен нокин но ёз оскылы. Со куалекъяса мадылйз гинэ, кызы шимес учырысь мозмытскыны быгатйз.

Со дырысен Кочыш сиськем бераз котьку но нюлышъяське.

Бергась Туп

Улэм-вылэм эксэй. Солэн ныльдон нылыз вылэм – огезлэсь мукетыз чебер. Сокем чебересь – одйг принц но соосты кышно басьтыны уг дйсъты вылэм.

Та пумысен король сюлэмшугъясыны ёдъяз. Со малпаз: ныльёсыз соку гинэ бывёзы, куке принцъёс кычё ке бадзым уж (подвиг) лэсътозы.

Нош соку дунне вылын номыр но сыйчеез-тачееz ёз ортчы! Эксэй котьку сямен трон вылаз ужтэк пукиз. Принцъёслы со нокычё уж ёз малпалля, угось соос ёз но кылдылэ, ёз но вуылэ. Корольлы улон мёзмыйт потыны кутскиз.

Нош эксэй ныльёслэн мылкыдзы капчи вал. Соос, йырсизэс сынаса но задор серекъяса, садын пукылыны яратйзы. Йырсизэс сынакузы, дунне вылысь вань будосьёс сяськаясыклийзы, нош серекъякузы, вань бурдоос шулдыр кырзаллязы.

Эксэй укно дорын ныльёссэ учкыса пукылайз. Нылпиоссэ со юн яратйз но котьку сюлмаськиз, соос дунне вылын самой шудоесь мед луозы шуыса.

– Садын серекъяса пукыны, сяська кадь чебер луыны, тылобурдо кадь кырзаны – со бордын гинэ шуд ёвёр. Валало-а меда сое мынам ныльёсы? – мур лулзиз король.

Чапак со вакытэ эксэй ныльёс пёлыхь одйгез ванъзэсты паймытийз – кёяны кутскиз. Сокем питырскиз – туп кадь ик луиз. Но, зэмзэ ке верано, солэн чеберез нокёнялы но ёз кулэсмы. Со дуно из кадь, марзан кадь, шунды кадь пиштийз, нош бергакуз, чыж горд йырсиез зырдыйт жуась тыллы укшаз. Соку адямиос вераллязы: шунды пуксе. Нош серекъякуз, котькудийз писпу вайёсыныз шунды доры кыстийсыклийз, тылобурдоос ванъзы чош кырзаны кутскилийзы.

Огпол БергасьТуп (калык нылашез озы ниманы кутскиз) атаез доры мынйиз но шуиз:

– Иворты быдэс дуннелы: соиз принц, кудийз монэ кышно басьтоз, быдэс эксэйлыкен кивалтоз.

Тае кылыша, король мур лулскиз: нош соку мукет ныльёсызы мар кылёз на?

– Мон ачим радъяло та ужез. Кылдэ сёт, быдэс эксэйлык мынам луоз шуыса, – куриз ныл.

Эксэй нылызылы кылзэ сётйэз, нош ас понназ малпаз: котьма ке но, нокин ноку сокем питрес нылэз кышно уз басьты.

Но эксэй янгышаз. Дунне вылын вылэм сычё принц, кудйзлэн малпамезъя, питрес принцесса туж аспёртэмлыко но паймымон луэ.

Куке эксэй ныллэн ваньмыз сузэръёсыз бызизы, со шуиз:

– Вуоноез принц мынам луоз.

Соку король валаз: визьмогес но сакгес луыны кулэ. Бергась Туп эксэй нылэз кышно вайыны медийсъя принцъёслы со портэм могзетьёс малпалляз. Табере корольлы улон но мёзмыт потэмьсъя дугдйз.

Нырысетй дас кыкезлы принцъёслы со королевствоись вань шыръёсты кутылыны косйз.

– Сюан соку гинэ луоз, куке вань шырпиости быдтоды, – пёсекъяса вераз король. Соин ик дунне вылын али ке но вань на сычё принцъёс, кудъёсыз шырпиости утчало-кутыло.

Мукет дас кыкъёссэ принцъёсты король дворецлэн азбарааз строен султыйтйз но ог-огзы вылтий тэтчаны косйз. Соос борды мукет музъемъёсысь но принцъёс итйськылайзы. Котькудйз вормыны тыршиз. Соос шоры учкыса, калык серекъяз, «Ура!» кесяськиз но «Кудзы меда вормозы?» шуыса эчешиз. Нош пияшъёс али ке но тэтчало но тэтчало на... Котькытын, кытчы соос вую, праздник кутске.

Валамон ини, та принцъёс пёлысъя нокудйз но принцессаэз кышно ёз басьты. Щукналы быдэ калык эксээз кырёзаса сайкатылайз:

Огэз толэзе тэтчиз, мукетыз бырыны шедиз,

Куинетиэз писпу йылэ кечирскиз,

Ныилетиэз кололдчае усиз,

Витетиэз урмиз, куатетиэз Вукузё доры мынийз,

Отчы ик сизыметйез но, тямысэтйез но,

Укмысэтйез но, дасэтйез но, дас одйгетйез но –

Дас кыкез ик принцессаез кышно ёз басътэ.

Эксэйлэн выль ужъёс малпаны мылкыдыз пуромиз. Ас понназ кырзалляз:

Улйз-вылйз одиг эксей,

Со эксэй – мон.

Нош Бергась Тупез атаезлэн малпанъёсыз шумпоттэмись дугдйзы. Угось солэн потэ вал, сое но чебер но питрес дыръяз, йырсиез шунды кадь ворекъякуз, кышно мед басътозы шуыса.

Эксэй ныл атаез доры мынйз.

– Дуно атае, гажано Король! Ваньмыз та мыным акылтыны кутске ини. Я тон принцъёсты пытсэт съёры пуктйськод, я тэтчаса дуннеез котыртыны ыстийськод, я кычे ке драконлы пумит нюръяськыны косийськод. Со нюръяськонлэн ноку йылыз-пумыз уз вуы ук: драконлэсъ йырзэ ёгиськод ке, со интые куать выль йыр потэ. Сое мон выжыкылысь тодийсько.

– Шонер, – шуиз король. – Но таиз дракон мукетгес: котькуд бырем принц интые куатез принц будэ. Эн сюлмаськы, принцъёс уз быре.

– Мон одиг но уг сюлмаськиськы, – шуиз принцесса. – Али ик изыны мыно.

Озы шуыса, нылаш бадзым котрес горшоклы укшась валесаз кечирскиз но соку ик умме усиз. Ваньзэ ёвёлзэ со сю ар изыны малпаз.

Король сюлмаськыны кутскиз. Эшшо ке принцесса соргетэ на вал. Кинлэн потоз на изись но соргетийсь принцессаез кышно басътэмез?!

Нош кышно курасьёс ветлэмись дугдйзы. Соин ик король таче ялон сётйз: кин принцессаез сайкатыны быгатоз, со ик сое кышно басътоз но быдэс эксэйлыкен кивалтоз.

Та ялон принцъёсты гочатйз. Эксэй нылэз кёлэмись сайкатон понна соос нош ик король доры вуылыны кутскизы. Эксэй пытсэт съёрысь но принцъёсты мозмытйз, таосыз но вожвыльяськонэ пыриськыны мед

быгатозы шуыса. Пумен король аслыз ачиз мёйы потыны кутскиз, кивалтэтлэсъ ик күштйськемез потийз.

Экэй туж шумпотыса учкиз, кызы принцъёс принцессаэз сайкатыны выризы. Зэмос спектакль! Одигъёсыз чепиллязы сое, мукетъёсыз сэзъяса сайкатыны турттизы. Куд-огъёсыз, Бергась Тупез валес вылысъ јутыса, садэтй бергаллязы. Нош номыр но ёз юртты. Пичи дыръяз эксэй ныл сак кылзылжээ эксэйлэсъ мукет принцессаос сярысъ выжыкылтёсты лыдзэмээ. Нош али ныл изиз но изиз, угось солэн ёз поты быземез сычё принцъёссы, кудъёсъ сое сайкатон понна номыр тунсыкозэ малпаны ёз быгатэ.

Кёня ке дыр ортчыса, вуиз ик со принц, куджээ эксэй нылээ сайкатыны быгатийз. Нош сайкатийз со нылашез синмаз чупаса. Шумпотэмениз эксэй ныл соку ик синзэ усътийз. Принц сокем возьдаськис – нылашлэсъ мукет синзэ чупаны ик вунэтийз.

Шулдырлэсъ шулдыр сюан ортчытыйз король егитъёссы. Но нокин но ёз синийлты, ныллэн огэз синмыз кынемын вал шуыса.

Ачиз нылаш гинэ сое валаз, луоз – котырысъ дуннеэз одиг синмын адзыны шуггес ик, дыр. Но принцесса та учыре ёз күшетски – со кыдёкисъ арбериости гинэ учкылжээ на. «Учкы-ай, тайд кыдёке азьпала учкыны быгатэ, – шуылжээ калык, – со умой эксэй кышно луоз».

Кин тодэ, оло эксэй но нылызлэн огэз синмыз кынемын шуыса, синийлтийз, пирданлы со јыны царствозэ гинэ сёттийз уго. Оло, принц но валаз? – Созэ уг тодийськы...

Нош принцесса Бергась Туп азъло кадъ ик јытлы быдэ садын бергалляз, но табере калык сое ёз но чаклалля ни, кожалод. Адямиос шырпиос сьбры уйылжыкись, ог-огзы вылтий тэтчась но драконлы пумит нюръяськись принцъёсты гинэ адзизы на. Дыр ортчемъя ваньмыз озы воштйськись.

Кузь пыдберъёс

Огпол жуг-жаг люк съёрысь атаслэн чоръямез кылйськиз:
Мар со отын? Мар со отын!
Кылбурчи-атаслэн со яратоно кыльёсыз вал. Берло соос борды ватсаз
на:

Со кузь пыдберъёс! Со кузь пыдберъёс!

Атаслэсь озыы кесяськемзэ одйг пересь пичи дыръяз кылыны шедьтиз.
Мойымытозяз со ялан атаслэсь верам кыльёссэ валаны турттиз.

Жыны даурзэ озыы ортчытэмез бере, пересь уж борды кутсконо
кариськиз. Малпамын – лэсътэмын, кызыы шуо. Малпам ужзэ быдэстон
понна пересь тодослыко экспедициие потийз.

– Мынам туж тодэме потэ, ма сярысь кесяськиз атас, – шуыса пересь
сюрес вылэ потийз.

Нырысь ик солэн пумитаз нылпиэз веттась кёкы сюриз.

– Мон тыныд номырин юртыны уг быгатийськы, – шуиз кёкы.

– Озы ке, мон азълань мыно, – вазиз пересь.

– Мынам тодонэ нылпи пушкин, нош со изе, – валэктийз кёкы.

Собере пересь кикыен пумиськиз:

– Ку-ку! Ку-ку! Та ужын мон тыныд валэктись ёвёр.

– Котьма ке но, мон азълань мыно но ма но со тодыны тыршо, – шуиз
пересь.

– Мынам тодонэ пузкарам, нош пузкаре – писпуын, – пёяз кики. Но
мынам тодэмэя, кузь пыдберъёс дунне вылын чик но ёвёр.

Соку гинэ пересь адзиз, кызыы солэн пыдберъёсыз зор бере губиос кадь
будыны кутскизы. Пересь озыы малпаз гинэ но (зэмзэ пыдберъёс ѿз будэ уго),
тёл шултиз: «Тодийськод-а вал азъло сое, мае али тодийськод?:

Кузь пыдберъёс! Кузь пыдберъёс!»

Тёллэсь верамзэ кылыса, пересь оскиз, кузь пыдберъёс зэм но вал
шуыса. Эсьмаса аслаз ик! (но со визъпёрьет гинэ вал).

Соку пересь јоггес сапег вурись доры мынйз но сое сычё пыдкукъёс вурины куриз, кудъёсаз пыдберъёсызлы тырмыт инты лусал.

Сапег вурисълэн лэсътэм пыдкукъёсыз укыр пичиесь пёrmизы. Кокаса но бадзыматыны турттиз соосты пересь – пайдаез ёй вал. Бератаз сапег вурись лэсъттиз сычё пыдкукъёс, кудъёсызлэн кузьдалазы куинь пужымез куинь пол басьтыса тэрымон вал. Табере катаос тупазы.

– Пыдберъёсы уг пачкало ни, – ушъяз пересь сапег вурисез.

– Нош кызы тон соосын ветлыны ёдъяськод? – паймысагес юаз соиз.

– Озы ик, – шуиз пересь. Пыдкуклэн сопалысътыз тапалаз, тапалысътыз сопалаз поръяз со, пыдкукезлэс кузьдалазэ но пыдберъёссэ мертаса, кудъёсыз, оло, зэмзэ дунне вылын ёй но вал.

Лизй но пыдкук

Огпол Лизй нимо пиши нылаш колодча доры мынйз. Со колодча пёртмаськись вылэм. Лизй колодча вёзын костаськись вуж Пыдкукез синийлтийз. Со туж вашкала Пыдкук вал ини, дыр, угось пиньёссэ галяса ик пасьыт ымзэ усътэм. Күке Лизй ботинкалэн пыдэсказ учкиз, шер-тур гинэ сыномем пиньёсты-кортчогъёсты адзиз.

– Тон уд куртчылйськиськы дыр ук? – юаз нылаш. – Тон чылкак со чипей тусо, кудйз монэ сиыны малпа вал. Оскиськод-а мыным? – юаз Лизй. Со туж юалляськыны яратылйз.

– Нош кызы тон солэсэ мозмытскид? – юаз Пыдкук.

– Бызыса пегзи но татчи вуи. Та колодча – пёртмаськись. Со утиз монэ. Мынам нимы Лизй, уд ке тодйськы на. Уске тон чипей но ёвёр, уд но куртчылйськиськы, зэм-а? – Лизй нош ик Пыдкуклэн пыдэсказ учкиз, но нырзэ туж матэ карыны ёз дйсъты.

– Чипей ке луысал... – лулскиз ката, – нош мон вужмем ботинка гинэ.

Мон чипей ке луысал, тодйськод-а мар?

– Мар? – паймиз Лизй.

– Мон Америкае уяса ширтысал.

– Америкае? Нош малы одно отчы? – юаз нылаш.

– Малы ке шуоно мынам уроме отын, – вераз Пыдкук.

– Нош тынад эшед чипей-а вал? Со заресь пыр уяса-а Америкае вуиз? – юаз нылаш. Солэн зэмзэ но ваньзэ тодэмез потиц.

– Со чипей ёй вал, со мынам кузэ гинэ вал, – валэктйз ката. Валад-а?

– Mae? – паймиз нылаш.

– Со колодчае тэтчиз но пырак Америкае вуиз!

– А-а, ма, валамон ини, со портмаськись колодча уго.

Соку Лизй Пыдкукез кияз жүтийз но веттаны кутскиз. Кёня ке дыр чоже Лизй но Пыдкук озы колодча дорын веттаськыса сыйлизы.

Пыдкук малпаськыса вераз:

– Син азям ик пуктйсько, кызы эше Америкаын, таچе ик колодча дорын, монэ возьма.

– Бен, со тонэ отын возьма, – буйгатйз Пыдкукез Лизй. – Отын, Америкаын, мукетыз ката колодча дорын тонэ возьмаса пuke, угось та колодча – пёртмасъкись. Со Америкае но вуттыны быгатэ, отчы сюрес туж кузь ке но.

– Туж кузь сюрес, – нукуртйз Пыдкук.

– Со колодча вылын татын кадь ик ёоктэт. Со колодчалэн нимыз – Кыкетиез Пёртмасъкись Колодча, нош каталэн нимыз – Кыкетиез Пыдкук.

– Со сярысь малпасъко ке, йыры ик пороме, – шуиз Пыдкук.

– Озы, пороме, – шуиз нылаш.

– Мынысалыд-а отчы? – Пыдкук юаз но, нылашлэс верамзэ возьматэк, азьланьтйз. – Малпасъко, отын но нылаш вань. Со нылашлэн нимыз Кыкетиез Лизй. Али со Кыкетиеных Пыдкукен тазы ик пuke, озы-а?

– Бен, чапак озы, – соглаш луиз Лизй.

Соку Пыдкук пальпотйз:

– Озы бере, Кыкетиез Пыдкук монэ уг возьма ни. Со Кыкети Лизиен чош, пыдкукъёслэс вашкала кырзанзэс кырзаса, дыртытэк гинэ гуртаз бертэ.

Лизй юаз:

– Нош тон монэным гуртэ бертод-а? Кырзалод-а мыным?

– Ой, али гинэ тодам лыктйз: мон укыр вуж пыдкук ни – эсэпсэ ортчи ни, одигзэ гинэ кырзанэз тодийсько на.

– Кыч сыйче эсэпэз? – паймиз Лизй.

– Күке ката ортче висгожез, соку со сурыйме но ярантэм луэ ини. Мон ярантэм пыдкук ини. Монэн номыр но карыны уг луы ни, дыр.

– Бен тон кырзаны быгатйськод ук!

– Мон пыдкук, – шуиз соиз, – нош пыдкук соку гинэ шудо, күке сое пыдын нулло.

– Йыры ик пороме, со сярысь малпасъко ке, – шуиз Лизй.

– Мынам но, – шуиз Пыдкук. – Оло, малпаськод, мон тыныд пайда вайыны быгато на шуыса?

Лизй катаез кутчаз но кёня ке пол колодча дортй котырскиз.
Шумпотыса, пыдкук кырзаз:

Тук-тук! йылгето пыдкукъёс,

Хлоп-хлоп! чабо калыкъёс.

Пыдкук уз пöсъты, пыдкук уз пöсъты.

Учкы сое сопаласен но, тапаласен но,

Сопаласен но, тапаласен но.

Вöя сое но шуккы кортчог,

Шуккы кортчог.

Зэм, Лизйлы пыдкук ортчыт бадзым вал, соин ик кырзан куспын ялан клок-клок! хлёп-хлёп! куара кылйськылйз.

Собере соос, Пыдкук но Лизй, колодча дорын шутэтскизы, Америкасыз Кыкетиэз Лизй но Кыкетиэз Пыдкук сярысь малпаськызы. «Соос но-а меда таззы ик шудо?»

– Мон оскисько, – шуиз Пыдкук.

– Мон но, – вазиз Лизй.

Губрес песятай

Одиг вырыйлын улэм-вылэм песятай. Со сокем мёйы ни вылэм, ассэ ачиз губрес пересь но шуылыны кепырамтэ. Нош губрес тыбырыз капка вугылы укшам.

Песятай вырыйлын аслаз корказ, куаклэн вужераз, улонлэсъ быремзэ возьмаса улэм. Таче дыръёсы со ёчим тодаз вайылэм аслэсътыз пинал дырзэ. Паймылэм: кёня сюресъёс ортчемын, кыёе дуннеос адземын ини. «Табере шумпотыса инбамысь улонэз но учкысал», – малпаллям со.

– Инбамез адземелэсъ азъло, капчи мылкыдме нокинлы уг усты – собере сое събрам басьтыны мед быгатом.

Песятай пичиесь кылтияньёс малпаны яратылэм. Та уж солы секыт мылкыдлэсъ күштийськыны юрттылэм уго. Тани туннэ но со шур дуре васькиз но, пыдъёссэ вуын чомбылляса, чорыгъёслы кырзаз:

Дунне вылын улэм-вылэм пересь,

Тыбырыз капка вугы кадь куасалском.

Песятайлэн пичиесь пыдъёсыз

Шурын чорыгъёс кадь чомбыллясько.

Пичиесь ик песятайлэн пыдъёсыз,

Эшшо но пичи шортчи чорыгъёслэн бурдъёссы.

Озы кырзаз песятай. Нош одиг пол, куаклэн вужераз пукыкуз, котыр дуннеез учкыкуз но улонлэсъ быремзэ возьмакуз, со Инмарлы тазы вазиськем:

– Инмаре, шонерты тыбырме но лэзь мыным одиг пол ке но инбамдэ учкыны.

Чапак со дыре ик Ин Кузё вырыйлын поръя вылэм. Со мылыш-кыдысъ песятаен чырткемъяскиз:

– Бур нуналэн, песятай.

– Бур нуналэн, – вазиз пересь. – Мон тынэсътыд пыдъёстэ гинэ адзисько – соос бадзымесъ. Кин-о тон?

Куке Ин Кузё кин луэмзэ шарайз, песятай шуиз:

– Тон но-а озы ик малпасъкод, кызы мон? Кошким?

Ин Кузё песятаез инбамозь валтыса нуиз. Бёрсязы кылизы вырыйл, корка, музъем...

Картофкаос

Со аре шимес кезыт вал – муржолын картофкаос гинэ но кынмыса кыллизы. Соос ваньзы одйг мешокын ке но вал, озы но кынмизы. Огез, ваньмызлэсь пичиез, картофка куаразэ поттйз:

- Мон уродмиськем!
- Шиш, шыптыт ул! – вазизы мукетъёсыз. – Нокинлы эн вера. Со сярысь нокин но тодыны кулэ ёвёл – асьмеос басьяськисез возьмаськом ук.

Кема гинэ соос номыр куаретытэк, басьяськисез возьмаса пукизы. Собере нош ик со пичи уродмем картофка векчи куараен кеськиз:

- Ой, ой-ой! Мон конялмиськем ини!
- Мусомы милям, нокытыйд но нокычё но луэмын ёвёл. Ваньмыз умой, – буйгатйзы эшъёсыз но выльысен басьяськисез возьмаса пукизы.

Кёня ке дыр ортчыса соосты басьтийзы но пöзтийзы.

– Тыфу! Соос ваньмыз конялэсь ук! – кеськиз кузё кышно.

Картофкасты со жуг-жаг пёлы сэрпалтийз. Жуг-жаг люкын кёня ке улыса, соос ваньзы сямен ик чырсазы. Сокем юмал луизы, куспазы керетыны ик кутскизы. Но бератаз ваньзы одйг малпанэ вуизы: та шудтэм учырын пичи картофка янгыш!